

Predsjedavajući arbitar Arbitražnog suda za Brčko Clint Williamson u posjeti BiH



U svojstvu predsjedavajućeg arbitra Arbitražnog suda za Brčko, ambasador Clint Williamson posjetit će ove sedmice Brčko, u okviru jedne od svojih redovnih posjeta, kako bi se sastao sa visokim zvaničnicima Distrikta i procijenio trenutno stanje u Brčko Distriktu.

„Strateška lokacija Brčkog, autonomija u procesu donošenja odluka i velik budžet pružaju priliku izabranim zvaničnicima Distrikta da od Brčko Distrikta naprave primjer dobrog upravljanja i prosperiteta za cijelu BiH. Tokom svoje posjete, radujem se da čujem od zvaničnika Distrikta da su posvećeni postizanju tih ciljeva, kako je predviđeno Konačnom odlukom“, izjavio je ambasador Williamson.

On će se danas u Brčkom sastati sa gradonačelnikom Sinišom Milićem i zamjenikom gradonačelnika Antom Domićem, kao i predsjedavajućim Skupštine Brčko Distrikta Esedom Kadrićem i zamjenikom predsjedavajućeg Ivom Filipovićem. Ambasador Williamson posjetit će i Sarajevo, gdje će imati sastanke u Predsjedništvu BiH, kao i sa drugim partnerima.

Ambasador Williamson ponovio je da će, prema uvjetima definiranim Konačnom odlukom, obuhvaćenom Aneksom 2 Općeg

okvirnog sporazuma za mir, Tribunal i dalje imati nadležnost u Brčkom sve dok supervizor, uz odobrenje visokog predstavnika, ne obavijesti Tribunal da su ispunjeni uvjeti za njegovo zatvaranje.